



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1581 usque ad annum 1589

**Fleury, Claude**

**August. Vind. [u.a.], 1772**

**VD18 90118650**

§. 84. Parisiensis Curia a Fœderatis capta.

---

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

quinimo iidem Doctores die quinta Aprilis eo imprudentiæ devenere, ut etiam decernerent, quod Regis nomen e Missæ Canone deleretur unacum solitis precibus, quæ pro ipso recitabantur, earum autem loco tres alias concinabant, scilicet, collectam, Secreta, & postcommunionem, ubi Deum rogabant, quatenus Principes Christianos, qui pro sancti ipsius Nominis defensione, & pro salute fidelium arma sumpserunt, protegere dignaretur, ut hostium suorum crudelitas reprimatur, eorum audacia refrænetur, atque ipforum insidiæ declinentur.

Verum quantumvis istud concordi omnium consensu, ac nemine repugnante fuisse sancitum, in ipso hoc Facultatis decreto asseritur, constat tamen, quod nonnisi a quibusdam seditiosis Doctoribus, Aubrio, Prevotio, Boucherio, Peltiero, Burgoino, aliisque sacro foederi adictissimis conflatum sit, hique suis violentiis juniores quosdam ad se pertraxerint. Ceterum Facultas hoc decretum nunquam tanquam opus suum agnoscebat, prout ab illo tempore semper, ac sæpius testatum fecerat.

§. LXXXIV.

*Parisiensis Curia a Fæderatis  
capta.*

Tt 5

Præfa-

Sæcul. XVI.  
A C. 1589.

*Journal de  
Henri III.*

t. 1. part. 2.  
pag. 317.

Sæcul. XVI.  
A.C. 1589.

*Thuan. Davil. & Journ. l. c. Journal MS. de Loyfel.*

Præfatum hoc decretum, licet minus legitimum, vehementer populi animum concitabat, ac veluti clasticum erat universalis seditionis, quæ Parisiis exorta paulopost in potissimas Regni urbes effundebatur: præprimis vero foederati Aumalio, quem Parisinæ Urbis Governatorem creaverant, persuadent, ut Senatum in carceres conjiceret: diu tamen de opportuno exequendi hujus consilii modo deliberatum, tandem vero conclusum, Præsides, & Consiliarios in ipso Palatio, ubi sese defendendo impares essent, capiendos fore. Hac ergo sententia prævalente Joannes Clericus Bussius Curiae Advocatus, strenuus foederis socius ad executionem suam deferebat operam, ac Senatum obsideri jubens, ipsius ampliolem Aulam ingreditur, ubi libellum Senatoribus porrigebat, in quo foederati petebant, ut Curia Mercatorum Præfecto, Ædilibus, civibusque Catholicis pro veræ Religionis defensione operam suam jungeret, simulque juxta Facultatis Theologicæ doctrinam declararet, quod Galli a fidei, & obedientiæ sacramento Regi præstito soluti essent, nec ultra hujus Principis nomen edictis apponeretur. Postea Bussius responsum ad suum libellum præstolatus secessit, paulopost tamen reverius est.

Sæcul. XVI.  
A.C. 1589.

est: porro cum præfatum decre-  
tum a Senatu nunquam confirmatum  
iri, facile sibi persuaderet, hinc rabie  
plenus unacum viginti quinque, aut  
triginta sceleratis, qui thoracem induti  
sclopeto in manibus tenebant, aulam  
ingressus est, atque alta voce pro sum-  
mo imperio exclamavit: „displicet  
„mihi, quod tot spectatos viros in car-  
„ceres abstrahere cogar:,, his dictis  
omnium illorum, quos hoc fatum tan-  
geret, nomina prælegit: cum autem  
primus Præses, qua auctoritate muni-  
tus hæc attentaret, sciscitaretur, mox  
respondit Bussius: „Moram abrumpite,  
„& me sequamini: alias si me ad vim  
„adhibendam adigitis, non pauci ex  
„vobis severas suæ pertinaciæ poenas  
„dabunt., Ergo obtemperandum erat,  
Petrus tamen Segiverus, Nicolaus Po-  
terius, & Jacobus Augustus Thuanus  
Præsides in captorum numero non erant,  
eoquod ea die in Curiam non accessis-  
sent, ceteri autem omnes Bussium se-  
quebantur, imo & illi, qui nominati  
non fuerant, suos Socios deserere no-  
lebant: igitur una omnes numero quin-  
quaginta ad Bastillæ carcerem abstra-  
hantur, populo ex omnibus plateis, ut  
transeuntes conspiceret, turmatim con-  
currente, & nequidem expectato Au-  
malii jussu, ad arma convolante: ni-  
hilo-

Sæcul. XVI. hilominus horum Senatorum plures eadem adhuc die, alii vero paucis post diebus libertate donati fuere, eo quod in Clerici Bussii indice descripti non fuissent.

§. LXXXV.

*Senatus Ministri a Fœderatis nominati.*

*Davil. l. 10. Journal de Henri. I. pag. 107.* Interea Præsides, ac Consiliarii, qui non fuerant comprehensi, in primum Præsidem nominabant Barnabam Brissonium celebrem Senatorem, qui quamvis suspectæ fidei Vir haberetur, cum tamen sexdecim Regionum Præfectis promississet, quod probi Viri, seu ut ipsi intelligebant, hominis sancto fœderi addicti partes strenue explere velit, in supremum Curiae caput eligebatur, quam tamen dignitatem ambiisse videtur. Hic idem die Sabbati decima septima Januarii confessum habuit, ac feria quarta die vigesima prima ejusdem Mensis Moleus Senator non ita pridem ex Bastillæ carcere dimissus Procuratoris Generalis officio fungi jubebatur, Joannes vero Magister, & Ludovicus Aurelianensis, qui antea Curiae Advocati erant, in generales causarum Cognitores nominabantur: verum Brissonium brevi acceptatæ primi Præsidis dignitatis pœnitentia subibat.